

摘藻堂四庫全書薈要

史部

欽定四庫全書薈要

史部

硃批諭旨卷

二百九十七至
二百

詳校官編修臣繆晉

欽定四庫全書薈要卷八千一百六十九

史部

硃批諭旨卷一百九十七

硃批方觀奏摺

雍正七年七月二十五日浙江按察使臣方觀謹

奏爲恭謝

天恩事臣蒙

皇上擢用浙江按察使莅任以來恪遵

聖諭勤謹辦理猶恐才識疎庸未嫻法律多有錯誤時

切冰兢茲布政使高斌調任江蘇所有浙江任內
交代之事復奉

特旨命臣暫接兼理仰荷

殊恩感激難名理合繕摺恭謝

天恩再督臣李衛前經

題委高斌護理鹽政印務今因高斌離任赴蘇商之
督臣轉交到臣接受護理任劇事繁彌滋悚惕惟
有益加黽勉小心供職以冀仰報

聖恩於萬一合併奏

聞謹

奏

竭力勉爲之母負朕恩莫自誤一生功名事業

同日又

奏爲敬陳地方情形仰祈

聖鑒事臣奉

命莅浙經今六月地方情形悉心體訪向時風俗淳澆

不一惟杭嘉湖紹金五府及寧波之慈谿奉化溫
州之瑞安台州之天台仙居衢州之龍游人多刁
健尤爲難治數年來仰蒙

皇上聖教鴻敷恩施疊沛紳衿百姓咸知感悟豪強斂
跡姦匪潛蹤舊染積習日漸廓清是以上召休和
雨暘時若蠶麥豐收秋成在望湖面海洋悉皆寧
謐自春及今據報盜劫止有三案臣惟恐地方官
有勒抑諱匿之弊統令各據原詞申報嚴緝夥盜

質審分別定擬其穿窬小竊時飭地方官嚴查保
甲比捕緝拏至團練鄉勇自相捍衛即古者寓兵
於農之法但律嚴私蓄軍器例禁教習拳棒原以
杜民滋事綏靖地方若假以選練之名濟以格鬪
之具誠恐好勇鬪狠之徒或致藉生事端似宜概
甚是

行停止各屬有司官員偶有敗檢即掛彈章是以
人知警畏循謹奉公但肆應長才尚屬難得臣愚
以爲

命往浙江試用人員未經得缺者現有二十人若照在
試用人員朕近日有旨令其在於兩司處學習未思及
分派州縣分派州縣似乎更當於繁劇衙門令其學習辦
事則刑名錢穀俾得逐事講求補缺之後已經歷
從詳明督臣具疏題請亦可
練自可收駕輕就熟之效或亦造就人才之一助

也臣不揣愚昧仰陳

聖鑒不勝悚惕之至謹

奏

嘉悅覽焉凡事講求至當而行毋令過偏次第料理徐

徐不間日久自然就緒也

所奏窩盜處分一摺現發九卿議奏另頒諭旨

雍正七年閏七月十八日浙江按察使臣方觀謹
奏爲敬陳鹽政仰祈

聖鑒事竊臣接護鹽政通查杭紹嘉松四所去歲新鹽
過掣之時存倉舊鹽不過十萬引今歲竟存至二
十萬引似此積漸不已必致仍前壅滯查雍正六
年督臣李衛與兩江督臣范時繹等會議鹽政一

疏曾經聲明貧難小民負鹽四十斤但許其於不
銷官引地方照數易米度日如在銷引地方公然
買賣仍同私鹽一體查拏部議

題准在案今兩淮產鹽之地如通泰等處附近場竈
原未設有官引民間皆食竈鹽應許照數買賣至
於上江湖廣江西河南行銷鹽引之地則顆粒不
准私售江都亦屬銷引地方何可概行負鹽四十
斤之例轉滋縱漏況兩浙之松江杭州寧紹溫台

逼枕海隅凡行銷引地即係產鹽之所倘許負鹽四十斤老少婦女何室蔑有皆得藉稱貧難家出數人日運數次則徧地皆是私鹽何處更銷官引在浙省地方係臣所屬自當竭力整頓江南各府未免勢隔情睽仰懇

聖恩敕令江省督撫提鎮嚴飭各屬文武員弁凡商店銷引之處遇有私鹽不論數目多寡立時拏究但其間有一二鄉愚偶然販賣竝無夥黨而鹽數又

不滿三十斤者請從寬免罪以廣

皇仁至於貧難小民督臣李衛先經行令每縣查報四
五十名給與木籌赴官店買鹽挑賣應令再行確
查凡係鰥寡孤獨疲癯殘疾實在貧難小民又無
孤貧口糧者造冊給籌每日許赴官店買鹽二十
斤每斤照時價減一釐給與店票按日迴銷俾得
覓利養生用副

聖主軫恤窮黎之至意如有府縣官沽名市恩縱私不

緝致虧引課者著落照數分賠庶幾官引不至壅
滯而

國課自無虧缺矣緣臣現護鹽政謹陳末議仰祈
聖鑒謹

奏

所奏嘉悅覽之候朕再加斟酌有旨

雍正七年十二月初二日浙江按察使今陞西安
布政使臣方觀謹

奏爲恭謝

天恩事竊准督臣李衛行知准吏部咨開雍正七年十一月初三日內閣奉

上諭陝西西安布政使員缺著浙江按察使方觀補授
欽此相應知照到臣隨恭設香案望

闕叩頭謝

恩訖伏念臣以一介庸材屢蒙

皇上簡拔任用超擢按察使寸長未效時切冰兢乃未

及一載復荷

天恩授臣今職理財字民承流宣化責任綦重報稱逾
難聞

命之下感激交深罔知所措惟有矢竭心力益加黽勉
恪供厥職冀以仰報

高厚於萬一爲此繕摺恭謝

天恩謹

奏

竭力自勉莫負朕知遇之恩諸凡以不欺隱爲最要於此尤當加勉

雍正八年二月初六日陝西布政使臣方觀謹

奏爲瀝陳微臣患病情形仰祈

聖鑒事竊臣體質羸弱素有痰喘之證每冬一發旋亦平復至上年十月望後舉發尤甚乃於十一月初三日奉

旨授臣西安布政使十一月二十五日部文行知到浙

臣聞

命自天懽欣感激罔知所措隨具摺

奏謝即請督臣李衛委署以便赴任於本年正月十
七日奉督臣行文令將印務交杭州府知府喬世
臣護理臣隨於十八日交印卸事二十一日登舟
北發不意途次病勢轉劇甚難支持二十八日舟
抵揚州興疾至家延醫調治一面僱覓頭口隨於
本月初三日長行初四日至六合縣氣虛喘急甚

覺委頓再四思維

皇上聖明仁慈體恤臣下無微不至。臣受
嘉悅之懷。筆不能喻。大。小。臣。工。咸。如。此。領。會。朕。意。朕。復
恩最深。犬馬微軀。正宜倍加慎重。以爲圖報之地。若竭
何憂

蹶前往設有疎虞轉爲上負

天恩即暫駐六合。延醫服藥。俟病勢平復。即便星速前
往理合繕摺奏

聞伏乞

聖鑒謹

奏

西安布政缺另用人矣汝回家加意調攝候遣御醫前來
看視痊愈後摺奏朕知

同日又

奏爲奏

聞事臣蒙

皇上擢用西安布政使兩浙鹽商以臣曾護鹽政循照
舊規公議送銀二千兩以爲長途之費臣通行力

阻瀕行之際衆商仍送盤費銀一千兩臣堅拒不
受督臣李衛以臣護理鹽政三月將雍正七年鹽
政衙門養廉銀兩按季撥給臣一千二百兩臣亦
再四辭讓李衛云此係奏明

恩賞之項既經護印理無可辭臣因不敢固却現今長
途盤費醫藥取給敷裕皆出自

皇上天高地厚之恩也理合具摺

奏明謹

奏

此係當領受者何必過辭凡似此矯廉以自高之舉朕所不取也誌之

同日又

奏爲恭謝

天恩事臣前接臣胞兄方鴻家信知臣兄蒙

皇上特授河南襄城縣知縣聞

命自天感激無地伏念臣疊荷

天恩有加無已莫可報稱正切悚惕復蒙

皇上恩及臣兄由教職微員擢授縣令破格錄用

榮寵逾涯臣隨信囑臣兄殫心竭力勉供厥職務於地

方力行實政以仰報

皇上天高地厚之殊恩所有頂戴微忱理合繕摺奏

謝伏祈

聖鑒謹

奏

汝兄具有心胸料必不肯辜負朕恩也

硃批諭旨卷一百九十七

欽定四庫全書薈要卷八千一百七十

史部

硃批諭旨卷一百九十八

硃批鄂昌奏摺

雍正七年六月十八日陝西寧夏道臣鄂昌謹

奏爲恭謝

天恩事雍正七年六月初十日接得甘肅撫臣許容傳
帖云奉

旨許臣奏摺臣即恭設香案望

闕叩謝外竊臣一介庸愚粗能識字甲辰科謬叨鄉薦
前歲經本旗保舉引

見蒙我

皇上不棄葑菲即用爲戶部主事甫及一載又蒙

皇恩擢爲道員許臣奏摺臣何人斯受此

異數唯有實心任事虛心體理不敢怠玩苟安不敢沽
名邀譽倘能竭盡駑駘以圖報

聖恩於萬一則非獨臣一身之幸亦臣祖宗父叔之深

幸也臣於四月二十九日到任目下承辦軍需渠
工諸務并查受庫貯軍需渠工籽種銀兩交代至
地方民情土俗一切事宜臣係新任尚未悉其底
裏容臣細心諮詢俟有確知灼見不時陳奏以請
睿裁今因奉到許臣奏摺之

旨理合具摺恭謝

天恩謹

奏

汝責任中事固應循分盡職至於辦理之當否自有該
上司考察遇便奏聞亦可或不奏聞亦可朕斷未有不
信督撫兩司而專聽信道員之理今許汝等下僚亦得
摺奏者不過欲廣耳目之意於汝責任外一切地方之
利弊通省吏治之勤惰上司孰公孰私屬員某優某劣
營伍是否整飭雨暘果否時若百姓之生計若何風俗
之淳澆奚似即隣境遠省以及都門內外凡有駭人聽
聞之事不必待真知灼見悉可以風聞入告也只須於

奏中將有無確據抑或偶爾風聞之處分析陳明以便
朕更加採訪得其實情汝等既非本所管轄欲求真知
灼見而不可得所奏縱至謬誤失實斷不加責但密之
一字最爲緊要不可令一人知之即汝叔鄂爾泰亦不
必令知假若借此擅作威福挾制上司凌人舞弊少存
私意於其間豈但非榮事反爲取禍之捷徑也當仰遵
朕訓慎之又慎遇有應奏之事何妨一月屢次上聞如
無可奏便數年不奏亦豈罪汝母因無事可奏搜羅瑣

細摭拾浮詞而塞責妄陳朕日理萬幾應接紛紜何暇
批覽不關緊要之謬說耶齋摺人來徑投怡親王府轉
奏汝受朕拔擢之恩當矢志效法汝叔鄂爾泰果能企
及汝叔之居心行事則爲汝叔一流人物矣於以光耀
祖宗揚名青史顧不美歟第一操守堅定其次秉公輸
誠毋託小廉曲謹之行而爲誤國欺君之事毋徇趨利
避害之心而違人臣致身之道不可傲慢上官不可輕
蔑屬吏尤不可逢迎上官姑息屬吏臨民泣政寬嚴並

濟懲勸兼施凡百總不必預立偏見惟宜因人隨事評
情酌理虛衷以處之能如是固守根本其餘枝節邊事
文移案牘之未練地方情形之未周勉力學習可計日
而能也即使初歷外任措置容有不協斷不至有蕩檢
踰閑之失心誠求之雖不中不遠矣勉之勉之

雍正七年九月初一日陝西寧夏道臣鄂昌謹
奏爲奏

聞事竊臣到任以來欣逢寧夏今歲雨水調勻秋禾茂

盛收成甚好兼之渠工告竣渠水暢流開設之新
渠寶豐二縣招納之戶口俱各安生樂業此我
皇上至誠格

天使萬民坐享無窮之福臣邊省微員覩此豐亨景象不
勝慶幸之至謹

奏

深慰朕懷

同日又

奏爲密陳管見恭懇

皇恩事欽惟我

皇上念甘肅等省歷年軍需雖動公帑辦備亦資民力

轉輸

特沛洪恩將庚戌年額徵銀兩悉行蠲免此誠

聖主愛恤生民天高地厚之至意臣查甘省所屬之河
東四府原係里民額徵者多銀兩河西四府原係
屯民今改爲州縣額徵者多本色凡遇蠲免多不

免本色如今歲大兵出口河西承辦軍需十分之六七河東所辦不過十分之三四河東因額徵銀兩蒙免甚多河西因額徵本色蒙免無幾伏查此番蠲免乃

皇上格外之恩非尋常可比請將河西庚戌年額徵本色內亦量免其十分之三或十分之五後不爲例則四府邊民倍沐

皇仁於無盡矣再查寧夏一府現貯倉糧一十一萬二

千四十石零其別府大概可知明歲兵丁應支本色糧石亦不至於缺誤爲此具摺陳

奏伏乞

皇上睿鑒施行謹

奏

所奏是日前業經有旨諭部

同日又

奏爲奏明邊鎮營伍情形事竊查寧夏爲邊方重地

而營伍尤關緊要近因總兵官郭成功年老精神不能應事而各營將弁任意疎忽怠玩多不遵號令以致寧鎮營伍大半廢弛臣居住同城見此情形理合奏

聞伏乞

皇上睿鑒謹

奏

爲此亦經有旨矣

雍正八年二月十五日陝西寧夏道臣鄂昌謹

奏爲恭懇

皇恩事竊臣查寧郡萬民衣食之源在乎

大清漢唐三渠之水利所以每歲自清明起至立夏止水利同知及時疏濬修理民田得資灌溉奈歷年專司之員疎忽怠玩只圖折草折夫致各閘道湃岸逐漸損壞時有衝決渠身淤塞日見淺窄而三渠之中惟唐渠爲尤甚其口過低其梢過高水

勢不能逆流而上多誤小民耕種之期前因署水利同知鳳翔府通判靳樹鏞玩忽渠務經臣詳稟撫臣許容

題叅奉

旨將靳樹鏞枷示渠工著令賠修欽遵在案除在靳樹鏞任內衝決者令靳樹鏞修理外其從前積年損壞之處亦復不少若再不加補築以後日復一日更難設措現在兵部侍郎臣通智等開濬惠農昌

潤二渠頗悉寧夏一切水利伏乞

皇上諭令通智史在甲即行查議今歲預辦料物明春
動工修補務使三渠永固則邊郡黎元倍沐

恩膏於無盡矣爲此據實陳

奏恭請

聖裁謹

奏

此奏甚屬切要另有諭旨由部頒發

雍正八年十月初一日陝西寧夏道臣鄂昌謹

奏爲修補渠工事欽惟我

皇上念寧夏三渠荒廢日久

特命大臣

發帑補修以足萬民衣食之源此誠

聖主格外之恩寧郡無窮之福也惟是寧夏邊居西北
地氣甚寒歲修三渠必待清明冰凍初開方可動
工立夏工程完畢即行放水先澆麥豆次灌稻田

務使芒種以前二輪水足禾苗始能茂盛倘立夏不能放水遂致有誤農期伏查此番修理工程浩繁非尋常歲修之可比而三渠共長五百餘里閘道共十餘座若一齊興工則一月之內不能告竣尤恐限於時日忙迫之中不無草率之弊若將三渠分作兩年修理實爲便易再查三渠雖俱荒廢而其中惟唐渠爲尤甚伏乞

皇上諭令兵部侍郎臣通智太常寺卿臣史在甲明春

先將唐渠修好其

大清渠漢渠仍令動歲修額設夫料照常修理至壬子年再將

大清渠漢渠修補則工程既得從容就理而農期亦不致有誤矣謹

奏

另旨密諭通智史在甲等酌量先後次第修理

雍正九年六月初一日陝西寧夏道臣鄂昌謹

奏爲奏

聞事欽惟我

皇上俯念邊土

頒發帑金開濬惠農昌潤二渠又

特命修補

大清漢唐三渠此誠

聖主之隆恩寧民之厚福也今歲唐渠工竣水勢暢流
惠昌二渠之水較前頗爲通順

大清渠漢渠之水亦皆得澆灌兼之雨澤調勻各處
山田俱遍經布種夏秋禾苗十分茂盛足望豐收
童叟咸欣城鄉共慶臣職任地方曷勝懽忭之至
謹

奏

據奏渠水暢流雨澤調順朕以手加額覽焉

雍正十年八月初一日甘肅布政使臣鄂昌謹

奏爲恭謝

天恩事雍正十年七月二十七日蒙甘肅撫臣許容案
驗准吏部咨奉

上諭甘肅布政使員缺著寧夏道鄂昌補授欽此飭行
到臣臣即恭設香案望

闕叩謝訖竊臣一介庸愚至微至陋荷蒙

皇上天恩由主事而擢任道員由僉事而加銜叅政今
復

特授臣爲甘肅布政使聞

命之下感愧交集驚惕難安恭記

聖諭有云臨民莅政寬嚴並濟懲勸兼施凡百總不必
預立偏見惟宜因人隨事評情酌理虛衷以處之又
臣叔鄂爾泰曾訓臣云虛心求理刻意去私惟公
斯明惟平斯允臣惟謹將

皇上聖諭并臣叔父訓言悉心體認極力遵循倘能竭
盡駑駘以仰報

聖恩於萬一是臣之深幸亦臣祖宗父叔之深幸也今

奉到授臣布政使之

旨合先具摺恭謝

天恩謹

奏

覽奏謝知道了勉之勿懈

同日又

奏爲奏

聞事竊查寧郡今歲夏田所收麥子豌豆已得九分秋

田所種稻穀青豆糜子之類現在滋長茂盛大半成熟足望十分收穫兼之渠工既緩農務愈勤小民仰沐

皇上天恩家家衣食豐裕凡屬轉運軍需各俱踴躍爭先急公努力臣目覩情形曷勝懽忭之至謹

奏

覽收穫情形朕懷曷勝欣慰

雍正十一年正月十二日甘肅布政使臣鄂昌謹

奏爲密奏事竊查西寧一郡地處極邊去歲秋田未收冬春之交糧價甚昂所有駐劄滿漢官兵以及馬匹應需糧料草束等項供支浩繁買運維艱臣辦理軍需目覩情形凡有可以寬舒民力節省錢糧之處敢不悉心籌畫以仰副我

皇上軫念邊方之至意查辦理軍務大臣等議

奏派撥西寧大通二鎮標兵二千名前往哈爾海圖地方駐防留京城滿洲兵二百名西安綠旗兵一

千名至十月初旬前往扎哈素臺地方駐劄以備
接應等因奉

旨依議欽遵在案但駐防哈爾海圖之西寧鎮標兵一
千五百名大通鎮標兵五百名除在營照例支給
行糧外其本兵應得之坐糧仍然在家關領而西
安綠旗兵一千名并馬二千餘匹在寧二載並未
調動其所需之糧料草束又俱按月支給本色多
方採辦惟恐不及爲今之計莫若將西安綠旗兵

一千名移往哈爾海圖地方駐劄將前派往哈爾海圖之西寧鎮標兵一千五百名內撤回一千名暫令歸伍即將撤回兵丁之糧供支移往兵丁之用如此一爲轉移在西寧鎮標兵撤回一千名既省在外之行糧而西安綠旗兵出去一千名又省內地之供應庶民力得以從容而錢糧不致糜費矣再京城滿洲兵二百名在西寧城內居住頗屬游閒統領之郎中三達禮身係文員不諳武事難

以約束請將此滿兵二百名亦移駐哈爾海圖交
與都統臣伊禮布等管轄且此滿兵二百名向在
柴達木等處行走熟習今口外既有官兵駐防其
坐卡查卡得此歷練之人更爲有濟至十月初旬
再派西寧鎮原撤回之兵一千名并現駐西寧之
西安滿兵一百名前往扎哈素臺地方駐防接應
亦屬便易臣鄙見所及不揣冒昧據實陳

奏伏乞

皇上睿鑒施行謹

奏

此奏甚是計慮殊屬可嘉候另有諭旨

雍正十二年四月十三日四川巡撫臣鄂昌謹

奏爲奏

聞事竊臣未入川境之先即聞川省今歲雨澤調勻年
景甚好至臣入境到任以來見春田一切麥豆菜
子等類秀實豐茂眼前收穫可得十分其夏秋田

禾俱各布種以時發生滋盛老幼同歡士民咸慶
臣目睹情形曷勝懼忭之至謹

奏

川熟則隣省兼濟豈止蜀民慶幸已也遙矚西南一隅
不禁額手

同日又

奏爲請

旨事竊思地方要務積貯爲先臣到任以來細查通省

各屬舊貯之倉穀不過四十餘萬石雍正九年奉
旨令川省買穀六十萬石分貯作三年買足今已逾三
年僅買穀四十四萬餘石細詢其故蓋緣川省穀
價貴賤不齊部議每石定價三錢其穀多價賤之
處三錢之內多有贏餘俱已買備而穀少價貴之
處三錢之數實所不敷且有不產米穀之處必赴
隣邑購買腳價之需無項可動以故屢請停止遂
致拖延前經布政使劉應鼎

奏以糧食多寡價值貴賤原難槩論若必欲通省照每石三錢之定價採買勢必有所不能至本地出產無幾不得不赴隣邑購買運價亦所必需請截長補短各照市價運價據實買貯餘剩銀兩造請歸項等由經部議覆未准臣查蜀省如成都重慶夔瀘邛等府州屬產穀既多價值極賤保順寧叙嘉眉達綿資潼等府州屬產穀多寡不一價值尚屬中平惟雅州龍安二府及直隸茂州等屬有產

穀無多價值甚貴之處有素不產穀無從購買之處此等地方逼近蠻疆孤懸山僻若不多爲積貯倘遇青黃不接兵民何所倚食臣悉心查察并同司道等虛衷商酌各處米價既有貴賤必合省通融方可辦理請以成都重慶夔瀘等屬之有餘劃補雅州龍安等屬之不足其素不產穀之處即在附近產穀之州縣購買量給腳價隨便帶運合計所餘銀兩動用添補購買并給腳價外尚有贏餘

仍可多餘買貯以備邊疆之用俱令於今歲秋收
買足庶積貯充裕實有裨益俟買足之日將各處
所買米價并所運腳價據實造冊報部存案臣爲
地方起見謹據所知陳

奏伏乞

皇上訓示施行謹

奏

此案米穀前經部議有案如欲通融辦理仍應具疏題

請方可降旨施行

雍正十二年五月十八日四川巡撫臣鄂昌謹

奏爲陳明地方情形事竊查四川一省素稱沃壤先
年地土多被豪強隱占自丈量以來田畝日闢糧
賦倍增民間輸納俱各踴躍不待催比而自無逋
欠但小民至愚惟圖一時之利每當收穫豐裕僅
留一年之用餘俱減價賤糶鮮有蓋藏倘遇年成
稍歉不無乏食之虞臣現在督率各屬諄切曉諭

此言

止可

專

論

溫

飽

富

戶

若

孤

獨

無

依

力

作

謀

生

者

將

餘一

使

咸

知

耕

三

餘

一

耕

九

餘

三

之

道

務

期

萬

戶

盈

寧

須剖

析

明

白

方

不

失

古

人

立

言

之

旨

否

則

竝

聖

賢

經

傳

皇上

恩

育

黎

元

之

至

意

惟

是

五

方

雜

處

之

衆

頑

良

不

一

亦流

爲

浮

泛

不

切

之

論

矣

如滇

黔

陝

粵

等

省

人

民

安

分

守

法

者

居

多

獨

楚

民

性本

狡

黠

習

更

刁

健

捏

詞

興

訟

作

姦

犯

科

無

所

不

爲是

以

比

年

以

來

命

盜

案

件

十

倍

於

昔

更

有

一

種

無賴

自

稱

爲

仙

師

專

事

念

咒

書

符

妖

言

惑

衆

尤

可

惡者

學

習

符

水

慣

於

避

刑

誘

人

犯

法

則

頂

名

到

官

爲是

以

比

年

以

來

命

盜

案

件

十

倍

於

昔

更

有

一

種

無賴

自

稱

爲

仙

師

專

事

念

咒

書

符

妖

言

惑

衆

尤

可

惡者

學

習

符

水

慣

於

避

刑

誘

人

犯

法

則

頂

名

到

官

爲是

以

比

年

以

來

命

盜

案

件

十

倍

於

昔

更

有

一

種

無賴

自

稱

爲

仙

師

專

事

念

咒

書

符

妖

言

惑

衆

尤

可

惡者

學

習

符

水

慣

於

避

刑

誘

人

犯

法

則

頂

名

到

官

助人爲惡則代爲受拷任憑打夾毫不爲意以致

姦淫邪盜之事接踵而生殊堪痛恨臣抵任之始

首以端風化正人心爲要務凡接見屬員卽諭其

嚴除匪類仍不時留心查察已訪得一人名陶文

彩係湖廣武岡州人慣用符水巧於避刑在川多

年惡跡昭著

臣允宜盡法不可稍爲姑息

卽嚴拏親訊現在盡法處治復通

行出示嚴禁并著落地隣鄉保營汛弁兵挨戶稽

查此等惡徒視禁約爲具文藐刑法如兒戲今欲

非過於嚴厲也勦莠不得力耳設先存過於嚴厲之
心勉強一時旋復中道因循匪類何由而止

同司道嚴行設法查拏并此外地方之利弊官員
之賢否俟有確知灼見再當次第陳

奏謹先將臣所見地方情形恭摺奏

聞伏乞

睿鑒謹

奏

覽

同日又

奏爲奏

聞事竊臣在京

陞見面奉

諭旨令將驛鹽道曹源邠居官辦事果係如何之處確
查具奏欽此臣抵任之時初見曹源邠聰明肆應語
言停妥似非無用之人及後留心試看每與之沉
論事體則應對如流至問其所辦事件則支吾含

混茫無定見因而加意訪察始知該道玩忽性成
不親政務一切事件惟任幕友書吏辦理伊竟毫
不留心其貽誤舛錯之處不可枚舉如通省行鹽
該道並不招商辦課大半著落里長鄉約領引賣
鹽其達部商名多係捏報正經商人十不二三且
該道不計戶口不論井竈妄請增引地方不能行
銷則官受叅處民受賠累不得已而混行改撥以
此地之鹽銷彼處之引該里長鄉約等又多不諳

鹽務竟不照引行鹽而無賴姦棍即乘隙作弊以

致川省鹽政雜亂無章又該道辦理松潘軍糧自製小斛希圖尅扣共少運米九百餘石適值前撫

臣憲德交印卸事臣抵任之始未及查察督臣黃

廷桂令其如數賠補遂寢其事再該道衙門從前頂補書役等缺俱勒取陋規出入錢糧亦甚不清

經前撫臣憲德并藩臬兩司查有確據共議揭叅

督臣黃廷桂從中勸阻令其改悔自新憲德將伊

痛加申飭并將伊家人重懲驅逐臣到任以來不
時嚴切教誡委婉開導冀其砥礪以贖前愆詎伊
悠忽如故不但無悛改之意且反尚巧詐之行殊
難造就理合據實奏

聞伏乞

皇上睿鑒謹

奏

據奏曹源邠行爲若此乃棄材也殊屬辜負朕恩伊初

無一人保薦於引見之際朕特加鑒拔越次擢用今職何不自愛至於如是查有確實款蹟具疏嚴行叅劾

同日又

奏爲奏

聞事竊查川省地處高阜民間田地多藉堰水滋溉臣自抵任之始即查得眉州地方向有碁願一堰洹流四十餘里灌田二萬餘畝其利甚溥邇年以來堰堤傾圯渠溝淤塞民力濬築維艱常以旱涸爲

慮屢據該地方土民懇請動支公帑修理經臣委

項

令建昌道前往踏勘估計約費工料銀六百兩隨

令布政司查議復據該司呈稱墓頭一堰若得修築疏濬不特可以灌溉水田二萬餘畝即將來凡沿堰渠之旱地皆可改爲水田甚有裨益請於各官養廉截曠銀兩內動支六百兩委官督修據實造報此後每歲修濬責令需水人民按地方之遠近計田畝之多寡公估公捐交眉州州判經管辦

理等情臣念水利關乎民生不宜遲緩即批令如

數動給飭發眉州知州高思雍速行修理俟工竣

此乃

公項非庫帑也

誤用名色矣

據實造報咨部核銷外事關動用公帑理合

奏明伏乞

皇上敕部施行謹

奏

興修水利原係善舉

雍正十二年八月二十二日四川巡撫臣鄂昌謹

奏爲欽奉

上諭事雍正十二年六月二十一日承准大學士鄂爾泰等寄字內開雍正十二年六月初二日奉

上諭憲德陳奏四川事宜一摺著寄與鄂昌閱看令其悉心酌量將應行之件具題奏請欽此臣謹將憲德奏摺逐細閱看悉心酌量其請將直隸嘉定潼川二州改設二府川東道所屬之順慶府改歸川北道管轄川北道所屬之直隸綿州等屬仍歸松茂

道管轄渝關木稅委令重慶府經徵等事俱是應行之件惟請將永寧一道裁汰永寧所屬之地歸併川東道管轄川東道所屬之直隸達州等屬改歸川北道管轄并請於省城添設總理錢法糧餉守道等事未爲妥協查川省一切經徵採買之糧雖有百十萬石然俱分貯各府州縣倉以爲地方緩急之備經各該府州縣官管理即偶有軍需亦係各該道在各該地方承辦歷來妥協而鼓鑄錢

法有布政司總理加以成都府成華二縣并派試用人員分管儘可辦理毋庸另設道員專司其事再查達州一屬地處東南與川東道相近去川北道甚遠若改歸川北道管轄反致鞭長莫及至永寧一道所轄叙州叙永瀘州雷波黃螂等處較之各道原屬地少事簡但叙永地接滇黔逼近烏蒙鎮雄而雷波黃螂又係新撫苗疆全賴該道彈壓且叙永雷黃去川東道駐劄之重慶府千有餘里

諸事難以照管是永寧一道未便議裁而永寧一屬未便歸併川東道管轄也抑臣更有請者永寧道所屬之地與松茂道所屬之地亦有遠近交錯之處應稍爲更易以便巡察查松茂道所屬之直隸資州等屬共五州縣與松茂道駐劄之茂州相距甚遠與永寧道屬叙州府隆昌富順地方相連甚近請將資州等州縣改歸永寧道管轄甚爲有益再夔州府屬之新寧縣去府二百五十餘里山

高路險公文差使往返不便查新寧係新設縣治
與直隸達州接連自縣至州僅一百一十里請將
新寧縣改歸達州管轄一切事件得以就近料理
除具本

題請外理合繕摺奏

聞伏乞

皇上睿鑒謹

奏

具題到日有旨

雍正十二年十月十七日四川巡撫臣鄂昌謹

奏爲請

旨嚴飭事竊惟督撫表率文武職任封疆務宜首尚精
嚴以示振肅臣自到任以來訪有州縣官貪酷枉
法及廢弛政事者已嚴叅數人使衆知儆懼各思
奮勉惟營員素行驕縱致營兵多所不法待守令
不及千把視佐雜如同奴隸其任性妄爲欺凌百

姓之處種種難以枚舉如地方盜案報官之後責令營兵協同緝拏乃營兵於未拏賊盜之先輒赴事主之家擁擠雜還或稱驗看虛實或稱查驗蹤跡坐索酒飯銀錢不一而足是事主於被盜之後又受一番擾累矣又如地方自盡人命例應文員檢驗與營兵無涉乃營兵聞風即至或云係某副爺差來查看或云係某守爺差來查問三五成羣推門擊戶不論男女不分內外恣意騷擾毫無忌

憚再如遞送公文乃塘兵之專責也而各路塘兵
遇有督臣衙門公文則立行飛送不敢稍遲將臣
衙門公文遇便方爲帶送每每遲滯至於司道府
廳州縣各衙門公文竟敢堆積耽延不肯遞送甚
且將查拏匪類躡緝盜賊釘封密行之文故爲擦
損暗自竊視以致多有泄露此等弊端臣嚴飭各
營查究而伊等背後咸云此是總督所管不與巡
撫相干臣每與督臣黃廷桂言之伊亦不以爲意

臣雖無專管武官之責然有關於地方之事何敢
不爲嚴究除再行申飭遇有前項不法之營兵即
行重處并將該管之將備會同督臣

題叅外懇祈

皇上特降諭旨嚴飭庶營員知所畏懼加意約束實於
地方有益爲此繕摺懇請伏乞

睿鑒施行謹

奏

覽奏足見度量狹隘似此心懷偏私則文武何能和衷
共濟邊地嚴疆防姦禦侮尤宜崇武而文次之全在汝
等大吏善於調劑不致介冑之士懷嫌蓄怨胡乃妄陳
不經之談祈朕特旨嚴飭倘若誤聽謬論痛加繩治俾
令戎行解體將來武員勢必咸被文職挾制前明之風
復見於今日矣其弊曷可勝言殊屬少年無知混行冒
瀆

硃批諭旨卷一百九十八

欽定四庫全書薈要卷八千一百七十一

史部

硃批諭旨卷一百九十九

硃批吳關杰奏摺

雍正二年八月初四日山東兗州府知府

臣吳關

杰謹

奏竊臣蒙

皇上特達之知簡任兗州府知府無時不以民生爲念
自上年到任後見荒旱情形目覩心傷百計撫慰

遽難安集幸賴我

皇上捐賑頻施虔誠祈禱以致雨暘時若上年秋收與今年麥熟均有六七分目下秋收更倍往昔據百姓僉云二十年來無此收成雖有蝗蝻生發隨即撲滅幸不爲災臣因盤查捕蝗每至州縣僻壤見黃童白叟鼓腹含哺咸頌我

皇上敬

天勤民所以感

天和下惠黎庶人歌大有戶慶豐登爲此繕摺奏

聞謹

奏

知道了幸遇如此豐年亟當勸導百姓積蓄蓋藏此爲要務爾之官聲雖無不好之處亦未登上好之列朕意尚以爲不足勉爲之莫負朕簡用之恩

同日又

奏臣伏查闕里誌曲阜縣知縣自唐以來間授孔氏

後裔至宋皇祐三年詔復於孔氏子弟中選用金
元以衍聖公兼知縣事爲世襲縣尹明季改爲世
職由衍聖公保舉嘉靖以後不由衍聖公保舉我
朝初由衍聖公咨部

題授等語今現任曲阜縣知縣孔衍澤於康熙五十
一年由衍聖公保舉補授自臣履任後每遇曲阜
呈狀無論事之大小非孔氏族人即孔氏親戚縣
官威令固不能行而情面亦不能却諸事掣肘甚

難歸結臣查世職知縣原以聖人之鄉用聖人之
後綿聖澤恤聖裔也今由衍聖公保舉未免有所
牽制且世職知縣與各縣知縣一體處分又不得
與各縣知縣一體陞轉是降罰有分而陞遷無望
至保舉不按宗支遇族人有事質審公庭往往以
卑幼責懲尊長於理有未順而於情亦有未安臣
請將現任知縣孔衍澤調任他邑如該令別有事
故缺出仍令衍聖公保舉一人咨部籤掣於別省

補用則世職之恩依然如故而曲阜知縣仰祈

皇上揀選補用既非孔氏族人而又不由保

題則自無瞻顧遇事可以執法於民生不無小補臣

係小臣何敢冒昧妄陳因爲地方起見所以冒瀆

天聽伏候

睿裁謹

奏

此事應呈稟撫臣竟自奏達未免涉於越分仍具詳該

撫等商安再行轉奏方是朕思曲阜縣令其來已久似不便更張爾等撫司道府如果能執正無私不瞻顧情面稱職者留不勝任者去則保舉自當得人矣倘遇其尊長輩質訊對理之事不妨詳明上司另委賢員審鞫亦未爲不可當再加斟酌同司撫合詞具奏

雍正三年五月十七日山東兗州府知府臣吳關

杰謹

奏竊臣蒙

皇上隆恩末由報稱每於國計民生無不細心體訪今年二麥收成八分至五分不等目下連得大雨秋禾又皆下種秋收有望抑臣更有聞者山左多山各州縣向有不墾之地蒙

聖祖仁皇帝深仁厚澤浹洽寰區生齒殷繁故不毛之地每多開墾成熟陞科然而山地廣濶間有歷年漸墾未經報部相沿日久隱漏頗多州縣官誠恐一經通報勢必根究反多未便以故因循隱匿臣思

寸隙尺壤皆屬

王土豈可終於不報惟祈我

皇上洪慈令各州縣自行據實陳明赦其已往徵其將
來自雍正四年爲始盡行報部歸入正額其雍正
三年以前縱有州縣自用或充公用者概予弗問
清查之後仍有絲毫隱匿從重治罪則百姓竝無
加損而於

國課不無小補臣爲錢糧起見冒昧瀆陳伏候

聖裁謹

奏

此亦摹倣田文鏡之行爲耳然有心學好則好即爲所
有矣呈稟撫臣具疏題奏

同日又

奏竊臣於雍正元年五月間恭接

御製訓誨知府

上諭臣跪讀之下仰見我

皇上聖明天縱官方民隱事事周知雖典謨訓誥無以
復加臣隨敬錄一幅懸掛堂中朝夕瞻仰身體力
行一年之中覺有遵循隨於雍正二年冬月謹照
臣鄉學宮明倫堂刊刻大學聖經一章於屏門之
例鐫刻

上諭於大堂屏門之上時凜

天顏於咫尺勿忘

聖訓於須臾觸目警心甚爲有益臣請

皇上於各省文武大小衙門各照明倫堂於屏門上刊刻聖經之例一體刊刻

上諭於大堂屏門之上俾在外諸臣各知則效共相勉勵庶於吏治稍有裨益謹

奏

此等迎合之舉皆可不必況爾未具超羣出類之資果能身體力行克盡爾分內之事則亦可矣似此多事涉及分外朕殊不喜

雍正五年二月初一日山東兗州府知府今陞湖
廣辰沅靖道臣吳關杰謹

奏爲恭謝

天恩事竊臣一介庸愚至微極陋蒙

皇上特恩由郎中拔授兗州府知府抵任以來深愧一
無報稱虛糜廩祿今又蒙

聖恩陞授湖廣辰沅靖道聞

命自天感激無地臣何人斯遭此

隆遇受

恩愈重圖報愈難惟有竭盡心力以期不負我

皇上特達之知遇也臣交代事竣領憑赴任俟到任後
有應

奏請事容臣於湖南撫臣處轉呈合併聲明爲此繕
摺

奏謝謹

奏

爾任究府數年以來雖無甚不好亦屬庸常無奇令授
爾此職非朕嘉獎而擢用之也至新任當勉力自效毋
得錯會朕意若以向日所聞尚料爾未必能清楚交代
今既舊任事竣行矣勉之布蘭泰非陳世倌可比慎之
毋忽

硃批諭旨卷一百九十九

欽定四庫全書薈要卷八千一百七十二

史部

硃批諭旨卷二百

硃批胡鳳翬奏摺

雍正元年三月二十二日蘇州織造臣胡鳳翬謹

奏爲奏

聞虧空事臣蒙

特恩簡用感激惶悚惟有盡心報效一切關係

國帑務期徹底清查以仰副

皇上委任至意今查得李煦任內虧空各年餘剩銀兩
現奉

旨交督臣查弼納查追外尚有六十一年辦六十年分
應存剩銀六萬三百五十五兩零竝無存庫亦係

李煦虧空臣據實奏

聞所有歷年動用銀兩數目另開細摺并呈

御覽再查李煦於康熙三十二年奉內務府行文著動
備用銀二千兩買米四千一百餘石此項動用銀

兩已經報銷訖所買米石竝無存貯明係虧空合
并奏

聞但李煦歷任年久動用錢糧甚多此外有無虧空容
臣查明續

奏斷不敢絲毫徇隱上負

皇上天恩爲此謹

奏

逐細清察毋遺移交查弼納可也

又歷年銀兩細數一摺亦交與查弼納

雍正元年四月初五日蘇州織造臣胡鳳翬謹

奏爲奏

聞地方情形事竊臣蒙

皇上天高地厚之恩雖捐糜頂踵不能仰報萬一所有
地方情形敢不據實直

奏查蘇州係五方雜處之地閭閻南濠一帶客商輻
輳大半福建人民幾及萬有餘人其間遊手好閒

之徒未能安分最易作姦又有染坊踰布工匠俱
係江寧太平寧國人民在蘇俱無家室總計約有
二萬餘人凡遇盜案發覺常有踰匠在內臣下愚
鄙見以爲俱當稽察防範分別澄汰消弭於未萌
前聞二月二十五日福建省城越獄致傷官兵悉
係臺灣海寇餘孽此輩一經拘拏自必四散逃匿
臣細查出洋海口如太倉之劉河七丫上海之黃
浦吳淞俱去蘇不遠全仗巡查嚴密方免疎虞而

鄰近之松江提督係署事之員海口防守汛兵因循懈怠有名無實謹據實奏

聞臣密探安徽巡撫臣李成龍年紀雖老精力強健所屬節禮及陋規等項亦俱收受并此奏

聞謹

奏

將爾之所見所聞俱告知何天培伊自當料理應知會高其位者亦令何天培密行知會

雍正二年十二月十八日蘇州織造臣胡鳳翬謹
奏爲導

旨回奏事臣於十二月初三日入江南境細訪按察使
少不愼密須防爾之首領

徐琳居官皆云辦事有才但誠實不如前任張楷
然到任未久操守辦事尚在未定其布政司博爾
多尚未到任又臣於初八日過揚州謹將

皇上旨意下與阿爾法他狼懼怕惶悚無地以後臣傳
教導阿爾法猶爲次之教導胡鳳翬要緊
旨教導他不許妄爲理合回

奏

母謂朕將爾交與怡親王爲已得泰山之靠遂放膽肆
志任意招搖也倘少辜負朕恩處第一叅劾爾者即
係怡親王切莫錯會若希冀王施袒護私恩於爾則自
誤爾之身家體面矣小心慎之

雍正三年七月二十六日蘇州織造臣胡鳳翬謹
奏爲欽遵舉首據實奏

聞事竊臣於七月二十四日接閱邸報捧讀

上諭年羹堯從前題奏西藏青海等處軍功議叙文武
官員俱多有冒濫不實特賜寬大之恩凡係年羹堯
任內冒濫題奏者無論已授未授已陞未陞俱准速
行據實自首皆從寬釋宥欽此仰見

聖德如天

仁恩廣被何敢稍有隱匿自取罪愆臣子式瑗現任廣
西桂林府同知先由監生自捐縣丞後因年羹堯
爲四川巡撫時羹堯係式瑗母舅遂代爲運米議

叙縣職於康熙六十年八月內部選掣得廣西陽朔縣知縣續經督撫保薦於雍正元年蒙

恩准授桂林府同知前之縣丞係自行捐納後之同知係

天恩賞授而縣丞議叙知縣臣子並未親身運米進藏雖非年羹堯

題奏之員實由甥舅私情所致其爲冒濫入冊不問可知臣受

恩深重若敢欺隱掩飾罪不容誅相應據實首明伏懇
皇上天恩將臣子式瑗

敕部革職以證年羹堯冒濫之罪爲此謹

奏

此應報部之事何得混行摺奏

雍正三年八月十七日蘇州織造臣胡鳳翬謹

奏爲叩謝

天恩事竊臣家人到蘇奉怡親王傳宣

皇上恩旨將織辦緞疋節省銀兩

賞給臣跪聆之下感悚難安伏思臣微末庸愚蒙

皇上洪恩賞授織造體面非常又兼關務力圖報效前

項節省之銀係錢糧公帑臣自揣福薄何當

重賞而

思加曠典又不敢辭謹望

闕叩首謝

恩其銀不敢私動留爲辦差之用爲此繕摺恭謝

天恩謹

奏

多賞與爾以便爲夤緣鑽刺之用耳

雍正三年九月二十六日蘇州織造臣胡鳳翬謹

奏爲叩謝

天恩事竊臣因臣子式瑗一事不敢欺隱具摺首明今

臣家人回蘇跪接

硃批諭旨捧繹之下方知臣具摺之愚蒙重荷

聖慈矜全臣感激涕零謹率合家老幼望

闕叩首謝

恩惟有鏤骨銘心與臣子式瑗共秉忠誠盡心效力圖
報

皇上高厚之恩於萬一耳并將

硃批原摺恭繳謹

奏

當極加小心謹飭聞爾頗不安靜慎之慎之

雍正三年十月初三日蘇州織造臣胡鳳翬謹
奏爲據實陳情恭繳

硃批事臣家人回蘇跪接

皇上硃批訓旨捧繹之下惶悚恐懼無地自容竊臣微
末庸愚荷蒙

天恩簡任織造兩載之中寸長未效又蒙

特恩賞兼許關稅務

隆恩異數實出非常雖竭力致身難報萬一何敢再生

妄念有所營求況

聖明在上洞徹隱微臣無知犬馬豈不自顧身家舉朝
共凜冰淵焉肯擅容請託臣再四思維其間有形
迹可疑不敢不據實直

奏臣與本門上之人非親即友相好在前當日困苦
之時每承周濟臣今沐

殊恩養厚祿偶遇親友婚嫁喜事亦量爲幫助以報
前情竝無涉私干譽而親友亦見諒不收此臣不

知分量不自謹飭之所爲罪何可逭自今以後惟有凜遵

聖訓公爾忘私一應交際往來槩行永杜改過自新伏懇

皇上開天地格外之恩原情矜宥臣生生世世銜戴洪恩於無既矣所有奉到


硃批原摺恭綴謹

奏

朕原有旨除怡親王之外不許結交一人孰意爾尚恐
怡親王照顧不周又復各處鑽營却以本門上幫助親
友之事回奏巧詞搪塞轉見校飾朕豈令爾一槩謝絕
親戚往來耶可謂胡說之至



硃批諭旨卷二百



總校官庶吉士臣侍朝

校對官編修臣馬啟泰

謄錄監生臣吳朝綸